



# Kibaru

San 19nan Setanburukalo - san 1991  
A songo : ROMÈ 10 - N° 236

A be bo kalo o kalo "AMAP" ka yamaruya kono - Hake : 16.000  
"AMAP" kuntigi : Gawusu DARABO - Dilanbagaw kuntigi: Amadu GANI Kante - Sebenbagaw kuntigi: Besiriki TURE

1960 22 SETANBURU 1991

Mali ka yere  
sanyelema 31 Kunben

A kunnafoniw be ne 4 ni ne 5 la




8 setanburu 1991 :  
balikukalan togolado (n°2)

DNAFLA  
kuntigi tatura (n°1)



Abudulayi BARI

San 1991 Okutoburu tile folo ye misiw ka  
nejibo sogoli don folo ye Mali kono. (n°3)



Kungo lankolonyako (n°4)

# "DNAFLA" Mali balikukalan baarada

Nin don sugu te teme Malidenw nin ma, n'o ye setanburukalo tile 8 ye.

Caman y'a don bi (sabu a fôra ka caya) ko setanburukalo tile 8 ye balikukalan togola don ye.

A dønnen fana ko donba don, don kerènkerènnèn jamana kono ani dijé fan bëe. Nka dønni ma ke min na kosebe, o ye mun y'a dan fara ka bo don tòw, la, a kerènkerènnènnya bora min?

O koson, nin don suguw mana se tuma o tuma, a bennèn bë ñefoli, ka k'o kan jama ye, kibaru kanubaa jama an'a kalanbaa jama n'a lafasa-baa jama.

An ka kan ka min dòn, n'a man kan ka bo an hakili la, o ye ko balikukalan te fadenya ye, ñengoya fadenya, ko w'a ma sigi o miirina kan. Tòw b'u ka kan fo, k'a kalan, tòw b'e baara ke u ka kan na, n'ye be n ta fo, k'a kalan, n'ye be baara ke n ta la, ayi, o ma fo o ye hasidiya ye, balikukalan ma n'o kan, w'a man kan ka ke o kan, n'o te laban t'a la.

Wajibi de nana ni balikukalanko ye.

Yeremahoroya talen k'o an fe ka san damado ke, faamuya nana soro kun caman na, minnu ye Mali bali wa n'u b'a bali halibi ka yiriwa. O kunw, kalanbaliya b'u la. Cogodi ka tubabukala to senna?

Kiimènjateminekelaw y'a jira ko tubabukan, n'ale ye tubabufanga ciyen ye, wa n'a be ke tubabukan na, walikan, k'o n'a taa bëe kalanbali ma se ka dogoya, sanko ka ban, u cayara yere, jamana kono.. O be faamu cogo

8  
setanburi  
1991 :  
balikukalan  
toggladon

di? Yoro fila b'a ñefo. Folo, denmisèn tata man ca lakoli la ka da kun caman kan. Filanan, minnu mana ta, a ka ca a la olu bëe te ñe soro, caman be folofolo sira fe. O folofololenw be laban ka fara kalanbaliw ka kulu kan.

Ka da ninkunba fila in kan kalanbaliw cayara an ka jamana kono.

Walasa o kalanbaliw be bo kalanbaliya la, walasa u fana be dønniya soro ka nogoya don u ka dijélatigè la, dabali dötigèra n'o ye balikukalan ye.

O tuma balikukalan nana kalanbaliya keleli de kama.



Min ye kalanbaliya keleli yere mili-riya ye, a bangera san 1965 de la.

A kera lajeba do sen fe, min kera Teheran, Iran jamana kono, setanburukalo tile 3 fo a tile 8, dijé Minisiriw fe, minnu ñesinnen be kalanbaliw ma u ka jamanaw kono. Ñogonye in kologirinba tun be kalanbaliya keleli de kan. Laje in kera «UNESCO» (INESIKO) kayamaruya kono, n'o ye jamana höröyanenw ka tonba, «ONU», bolofara ye, min ñesinnen be kalan ni seko ni dønko walew ñenaboli ma dijé seleke naani bëe la. O laje in de senfe, welebila kera jamana höröyanen kuraw kalanbaliw minisiriw ma u ka balikukalan ke jamanaden yere wolokan na (folo a tun be ke kan werew la, minnu te kalandenw wolkanye), ko kalan in katali ke balikunw yere ka baara ketaw la.

K'a ta o san de la fo, bi setanburukalo tile 8 kera seli ye, min be ke dijé fan bëe. Ñinan setanburukalo tile 8 seli kera Mali kono an fe yan cogoya ani hakilina kuraw la politikiko siratigè la.

Korolen, setanburukalo seli, faamaw b'a ke u sigiyoro la, Bamako. Nka ñinan, dòn yelemana nama koro: u ye faaba bila ka kungoda segere walasa u ni kotigiw yere, n'o ye an-balima senekelaw ni baganmaralaw ni mónnikelaw, be seli in gintan ke nogon fe...

N'ala sonn'a ma, kibaru nimorónata, ñenaje in kera yoro jumen, a temenna cogo di an b'o kunnafoniw di aw ma.

Sumana Kane Balikukalan Baarada, Bamako (Mali).

# San 1991 Okutoburu tile fōlō ye misiw ka nejibō sogoli don fōlō ye Mali kōnō.

Hakililajigin siratigé la, kibaru nimorō 232 ni 233, n'o ye san 1991, mēkalo ni Zuwenkalo nimorōw ye, olu ye kunnafoni barikama dōw da baganmaralaw tulo kan, kunnafoni minnu jessinnen don nejibō keleli ma fo k'a silatunun pewu farafinna jamana 34 njogon kōnō.

Nejibō, ni dōw ko nboyi, dōw yere b'a wele ko berebila, n'o ye misigen bere bilali ye, k'o sababu bōbagantanya, la, bana jugu in kumbenni wale fōrēw dabalila «P.A.R.C» fe, n'o ye jekulu sigilen ye a kama, Afiriki kele-nya tōnba «OUA» hukumu kōnō.

An bē se k'a fōko «P.A.R.C» kune misiw kisili ye nejibō ni bagan bana werew ma farafinna yōrō bēe la.

Mali baganmaralaw ni dōnnikela werew, sanko wuturuneriw, olu y'a jira ko ni nejibō ye misi kelen dōron minē, ni kōn ma k'a ma, a bē ke sababu ye ka misi baayirika caman faga.

N'a donna ko nejibō ye misi o misi minē, o ni tōw man kan ka bila njogon kan, sanko u ka dumuni ke yōrō kelen walima ka ji min waaro kelen kōnō

A jirala, ko fura were te nejibō la bi, sogoli kō, n'o bē wele dōw fe ko tuguci. Bēe dun b'a dōn fana ko banakunben ka fisa banafuraké ye.

Nejibō silatununni kadara kōnō, «PARC» k'a bē wele bila bagantigiw ni baganmaralaw bēe ma, u k'a dōn

ko «san 1991, okutoburukalo tile fōlō ye misiw ka nejibō sogoli don fōlō ye Mali kōnō».

A jininen don Mali galoduguw ni togodaw baganmaralaw bēe fe, u ka wuturuneriw ka sogoli baara nōgoya u bolo, n'u ka bagan kuluw bēe lajelen jirali ye u la.

U k'a dōn fāna ko misidenwi mana kalo saba hake sōrō, u ka kan ka sogoli kura ye wajibiya la.

Nejibō sogoli hafaté sekafok'aban, nk'a fōlō ye an ka baganw kēneman y'an bolo, a nafa dōwēre ye nafolo mugu sōrōl y'an fe, n'an b'a fe k'u feere don min na.


An balima baganmaralaw, bagantigiw ni bagangennaw, an tēna sēgen k'a weleweled'aw ye ko fura si te nejibō la ni kumbenni te. O kumbenni ye mun ye, ka misiw sogoli a tuma la; bawo a bē fo an fe yan, ko «bolitumadōn ka fisa nsen-ka-di ye».

An b'aw hakili da fēn were min kan, o ye k'a dōn ko misi min mana sogoli, taamashen dobēbila o tulo la nibalan ye. O sogoli in de bē ke san o san, ka ben n'o taamashen hake ye.

A kolosira ko bagantigi dōw te sōn, u ka misiw joli ka ta, k'a sōrō nafaba de bē jolita in na. Joli talen sēgesegeli de b'a jira ni sogoli neña wali n'a ma ne. O la, ni sogoli fura m'a ka baaraké, a wajibiyalen don an ka segin k'o misi masinaw sogoli kura ye. An k'a dōn ko joli sēgesegeli de b'a jira ko sogoli sabatira.

A jininen don baganmaralaw fe, u k'u tege di njogon mia tōnw walima jekulu werew kōnō, k'u ka baganw kafo njogon kan were kērenkerennenw kōnō, ani ka dumuni yōrō laben u ye. O walew bē ke sababu ye ka misiw ka sufeyyaala dōgoya ani ka cikelaw ni baganmaralaw ce fitine nōgoya kosebe.

**Basiriki TURE**



**1960****22 SETANBURU****1991**

Ninan, san 1991 la, Mali jamana ka yereta sanyelema 31 nan kunben benna waati gelen ma. O geleya sababu kera Musa Tarawele ka fanga binni n'a nokan masiba tijeliw ye. Bee y'a don ko Mali y'a yere ta san 1960 Setanburukalo tile 22 don. Bee y'a don ko Malijamana Peresidan folo kera Modibo KEYITA, ye min ye jamana mara san 8 kono, i ko k'a ta san 1960 la k'a bila san 1968 la. Bee y'a don ko Musa kera Mali Peresidan filanan ye, fangata senfe, min kera san 1968 Nowanburukalo tile 19 don. Bee y'a don ko Musa ye Mali mara, k'a k'a sago ye san 23 kono. Musa ka fanga kuntaala janyara ka temen hake kan. A tijeli barika fana bonyara ka temen hale kan. A kera daamuko ye Musa n'a muso n'u balmaw n'u nokanmogowbolo. Nk'a kera segen, tooro, lajaba ni kasaara ye jamana kono mogo tow bee lajelen bolo.

Fanga mana meen suguya do la, n'a binna, a tijeliyoro be caya: minnu y'u diya a waati la, olu josenw ni tow josenw te kelen ye. O koso, forobafanga min sigira sen kan Musa minclen ko, san 1991 Marisikalo tile 26 don, n'o peresidan ye Amadou Tumani TURE ye, o forobafanga ka baara folo kera laadili de ye. O kama, a ninina ko «tajurusara» walew kana ke murutili were sababu ye, min be netaa lasumaya.

O kama fana, a jirala ko sariyaso de bema mone bo bee la, ni Musa n'a ka

mogow sege-segeli n'u ka kiiri tigeli ye. O kama tugun, Konferansi Nasional kera, walasa bee k'i konota fo Musa ka fanga kan, ani Mali jamana bolodacogo kura.

O walew be ka latemen tuma min na, obenna Mali ka yereta sanyelema 31 nan ma. O de koso, a jirala ko ninan gintan benna waati gelen ma.

Waati geleya n'a taa o taa, o te se ka yereta koro b'a la, n'o ye jamana ka yeremahoronya sementi don ye. O don kama jamana woloden bero kelen-kelen bee b'i miiri, k'i taasi, k'i hakili jakabo, ka yereta cefarinw n'a musofarinw walenumandon.

A ka ca a la, o cefarinw n'o musofarinw ye fasoden humanw ye, minnu y'u cesiri cogo bee la, ka faso bojonya jurula, k'a ka horonya n'a danbe lasegin a ma. O ye baaraw ye, minnu kebagaw sara te soro, bawo, n'olutun y'u sigi, k'u boloda u sen kan, ka son marabaga juguw ye, faso tun te horonya a tuma la.

Jamanaw ka yeremahoronya tali

sanyelema be mogow hakili jigin wale kelenw na, minnucaman makenoqoya la, bawo, a daw te ne fagali ko, ani kasolodon ni tooro suguya caman werew.

Min ye Mali ka yereta ye, n'o kera san 1960 Setanburukalo tile 22 don, o ban hakili jigin Peresidan Modibo KEYITA n'a nokanmogow de la, olu minnu y'u cesiri, ka dansigi Faransi ka marafanga la.


Osiratige la, bee y'a don ko Faransi de y'an ka jamana mara san keme hake kono, k'a togoda ko «Sudan», k'a kono mogow k'a sago ye, k'a nafaw bee lajelen diyabo, ka temen fasodenw yerew kan.

Faraje jamana fen o fen ye farafin jamana fen o fen mara, a kelen si ma numan ke jamana maralen kono: hadamadenya lanogora, danbe lagsira, horonya kera jonya ye, soroko kera joreko ye, sinijesi geleyara. Yereta sanyelema gintanw senfe, hakiliw be jigin nin wale kofolenw de la folo.

A be laban mogow la, minnu kera marabaga juguw genni sababu ye, ka jamana sigi jamana horonyalenw ka kene kan.

### **Yereta koro**

Koro caman be yereta sanyelema kunbenw na. Abejamana kono mogo ka kelenya sinsi. A be fasodenya dusu lakuraya. A be nafasorokow yiriwa. A be netaa walew lateliya. A be jamana ni jamana werew cekow nogoya, nogondeme siratige la.



# Mali ka yereta sanyelema 31 Kunben

Kuma lasurunya la, yereta kunben waati be fasodenya diya don mogola; a be fasobaara dusu don mogo kono; a be faso kanubagaw sankorota.

O de kama, geleya n'a taa o taa, forabafanga nemogoso «CTSP» y'a jira kojinan, Mali ka yereta sanyelema kunben 31nan gintanw ka ke jamana fan bee kono.

A dun fura cogo min na, a kera o cogo yere de la, bawo, mogo si m'itoto: bee sewara, ka gintan suguya bee ke, dugumisenw ni dugubaw bee kono.

## Yereta gintanw

Jenaje suguya bee lajelen labenna Mali kono, k'an ka yereta sanyelema 31 nan gintanw sankorota. A kera wasa ni nisondiya ye fan bee, bawo, a kera ka Musa Tarawele ka fanga binni nagali to to Maliden bee kono. O yere de kera jenaje ninnu nafamayorow ye, k'a d'a kan, u kera lafiya ani hakilatige hukumu kono, u kera yelemakura hukumu kono, n'o ye demokarasi ko ni pariti politiki caman-ko waati ye.

Mali forabafanga kura Peresidan, Liyetenan Koloneli Amadu Tumani TURE ka kuma y'o de jira, bawo, a ye cesiriko fo, k'a geleya, walasa ben kera wale minnu kan san 1991 Marisikalo tile 26 don, n'o kera Musa minedon ye olu ka sira soro.

A da sera yerelaben wale ketaw



bee lajelen ma, k'a jira ko kasaaraw ni tijeli minnu kera Musa ka fanga binni kadara kono, k'olu sara te dowere ye ben ni kelenya ko, here ni lafiya kono; k'olu nafa te dowere ye fasobaara ko, walasa ka jamana bo nogo la, k'a yiriwa, ka bee ka segen ban.

A jenajew sen fe, medayi dira mogo caman ma minnu fatura Mali jamana ka horonya, a ka danbe n'a ka jetaa basigili siraw kan, ani minnu y'u seko bee ke ka Mali kunnawolo sira caman werew kan, n'u ka kan ni faso ka wale-numandon ye.

O siratige la, medayi dira cikela wara caman ma, minnu sera u yere koro, ka s'u ka du n'u ka dugu koro, ka jamana kunkorota n'u ka sorow boniali ye.

Kungo kono mogo minnu ye Medayi soro Mali ka yereta sanyelema 31 nan kunben kadara kono, n'o benna san 1991 Setanburukalo tile 22 don ma,



olu file:

- Elaji Amadu JANGI ka bo Jakaleli, Kayi mara la;
  - Elaji Mahame SINPARA ka bo Bananba, Kulukoro mara la;
  - Muso jekulu min jesinnen be malosenen ni nakobaara ma Segu mara la.
  - Modibo KANSAYI, ka bo Horoginde, Seware, Moti mara la;
  - Umaru ALIJI, ka bo Kaja, Agilali, Tumutu mara la;
  - Somageli KURUTA, ka bo Hawusa Fulane, Ansongo, Gawo mara la;
  - Bema SANGARE, ka bo Kojala, Kilela, Sikaso mara la;
- Medayi dira Fatumata TANJA ma ka bo Darisalamu, Yelimane kafo la, Joronkubeda la, k'a d'a kan, jatemine la, ale Fatumata TANJA de ka koro ni Mali musow bee ye sisan, bawo, a ye san 114 soro jinian san 1991 la. Nin ye kunnafoni ye, min ka kan ka da «KIBARU» kalanbagaa bee tulo kan.

Kuma laban na, a be se ka fo ko bee y'i cesiri an ka san 1991 yereta gintanw na: jamana nemogow ye bee walenumandon, duguba koncomogow fara kungo koncomogow kan, jamadanew yere m'u to to jenaje suguya bee labenni na. Akera wasakoye yoro bee. Ala ka san were ta jira an bee la.

Amadu GANI Kante.

# Kungo lankolonyako

A b'e fo ko: «Dugukolo t'an faciyen ye, ko an denw de y'a singa an ma; ko n'a f'ora faciyen, k'o ye foroba fen ye, b'ee b'a ciyen cogo min ka di i ye.

Nka n'i ye fen singa mog'o fe, n'i b'a segin, a ma, i y'a mine cogó min, k'i mago ne a la, i b'a laben k'a segin a tigi ma o cogoya kelen na».

O la sa, kabini Ala ye dugukolo da ka mogow ni baganw ni jiriw ni fen caman werew bil'a kan, i n'a fo ji ni kuluw ni cencenfuw ni senkeyorow, a ye neci di dugukolo n'a kanfenw b'ee ma, k'u siri nogon na cogoya la, min b'a sementiya k'u sit'e se kataa si ko.

An k'o misali ta hadamaden n'a sigiyorow n'a ka cikkeyorow n'a ka dinelatige wale d'ow kan.

Folofolo, hadamaden tun balo ye ji ni jiridenw ni sogo ye.

O waati y'a sorò, dugukolo fanba tun ye jirituw ye. San be na cogoya min, a be na ten. Sisoko tun man gel'en, bawo jiriwow ni farawow tun nogon siyoro te.

Hadamaden y'u t'o kelennasigi la, ka dalajej nogon kan cike la, du kunda fo ka se dugu kunda ani jamana kunda.

Uy'a kolosi ko nafa be sene min na, o ye cikelaw dalajeli ye nogon kan k'a ke. O tuma, nusocaman furu

daminerera, walasa ka den caman sorò, minnu be se k'u faw deme cike la. Nka o waati, densaya barika tun ka bon, bawo banaw tun be furake laadala siraw de kan kosebe. O waati, ni den tan wolola du kono, den saba walima naani, olu doron de tun be se ka b'u yere la, ka ke balikuw ye.

Dine kono, Ala ye fen kelen min di hadamadenw ma, n'o y'u bila danfan tow sanfe, o ye hakili ye.

Hadamaden hakili wolola donniya caman min na, o de y'a deme ka dine n'a konofenw mara, k'u don a nidungo walew dafé. Dogotoroya walew b'o la, minnu kera sababu ye ka bana caman nagasi, ka dansigi densaya la.

Den keneman cayali nana ni hadamaden hake labugunni ye.

Dugukolo hake min tun be sene folo, o dogoyara. Foro kuraw labenna kungojanw kono. O forow labenni siratige la, jiri nafama caman tiger. Foro korow dugukolo fanba nagasira, halissa bin te falen a d'ow kono, bawo, u nafama yorow bor'u la hadamadenw ka baaraw ni jiwoyow sababu la.

Nin tijeli wale kofolen ninnu nana juguya Afiriki sahelikungo jamanaw kono, k'o sababu bo jakongo n'a kasaaraw la, min be ka kungow yelema k'u ke fugakene ye, k'u lankolonya, ka sene jaasi, a be san 20 bo bi.

Nka, n'any'an hakili jakabokonuman,

an b'a ye ko ni sahelijamana kono mogow ma wuli joona, k'u cesiri, u laban ben'u bolo su u yerew ne la, bawo u joyoro ka bon kosebe u sigiyorow n'u ka kungo kononaw tijeli la. An k'a laje k'o misali folo ta jiri kan, hadamadenya te taa min ko.

Hadamden mago jumen be jiri la, sanko sahelijamana kono?

An b'ee b'a don ko sisow be bili ni jiri de ye; jiri be tige ka ke dogo ye; jirikurunw be jeni ka ke finfin ye, tobili kama; farafin laadala fura fanba be bo jiri de la, kurun min be boli baji kan, o dilannen don ni jiri ye, jiri be ke sebenfura ye, a be ke tabali ye; a be ke sigilan ye; jiri denw be dun; kolon ni kolonkala be bo jiri la; dumunibo kunan be dilan ni jiri ye; an b'an sigi jiri suma la; an be baro ke gele min kan, an ka dugumisenw kono, o bora jiri de la; Fulaw ka misigen bere ye jiri de ye; jiri be sanji wele, bawo jirimayorow sanji ka ca ni yoro lankolonw ta ye.

An hakili la jiri nafa te se k'a fo k'a ban, bawo b'ali cike dugukolo nafa lawereli sinsinbere do ye jiri ye.

Kungow lankolonyali juguyali ja n'a kasaaraw fe, min be ka kongo bila Sahelijamana denw na, bawo balo te ka laboli ke, k'o sababu ke bajiw jiginni ye ani kojiw jali, ka sanjintanya far'o kan, Saheli jamana 9 farala nogon kan ka ton do sigi sen kan, min ka baara jesinnen don fugakene ni dugukolo lankolonyali keleli ma Saheliyanfan na.

Ton in be wele ko «SILISI» (CILSS).

# Kungo lankolonyako

jamana minnu jelen don a kono, o ye Mali, Senegali, Moritani, Ganbi, kapuwéri, Ginebisawo, Burukina Faso, Nizeri ani Cadi ye.

«CILSS» dönnikelaw'yajira ko hadamadenw ka kewale wére minnu joyoró man dogo u sigiyorow n'u ka kungow tijeli la, o dow ye baganmara ye ani bamón ni damandingew senni ani tasumadon kungow la ani duguw bonyali tungarankew fe.

Min ye baganmarako ye bi, o dogolen te mögo si la, k'a fo ko baganmara ka gelen, bawo bindunyorow dögoya radugukolo nonni sababu la; o temennen k'o, bagantigiw ni forotigiw bë njogon na sangga ni waati bëe, k'a masoro bagan kongotow be taa suman falentow dun forow kono.

Bamón siratige la, jiwbé ka ja cogo min na, jegew hake fana be ka dögoya o cogoya kelen na; okerefe bamonnaw ka jegé mineta hake cayara, fo ka jegé suguya dow silatunun.

Donsoya fana barika bonya kojugu ani tasumadon an ka wulaw kono, o kera sababu ye ka kungosogow hake dögoya.

Nin wale juguw bëe de koso, «CILSS» ye wele bila Mali kunnafonidilaw ma, u ka njogon soro kene kelen kan, k'u hakili jakabó Saheli-kungow lakanali walew kan, walasa u kana se ka yelema ka k'an bolo fugakenew ye, nafa te minnu na fo bône. «CILSS» y'a jini kunnafonidilaw fe, u ka k'u ka dalaminékalaw ye, cikelaw ni baganmaralaw ni monnikelaw ni jiribaaralaw ni kungo baarakela werew yoro, k'a jir'u la ko n'an m'an ka kewalew bëre ben feere tigelenw ma, k'an sigiyorow n'an ka cikeyorow kisi lankolonya ma, an ka dinelatige bëna geley'an bolo kosebe. «CILSS» tonba ka wele kadara kono, kunnafonidilaw taar'u nedaa baara bolodalenw kan Segu ani Moti ni Sikaso ni Bamako maraw kono, baaa ra minnu fanba nesinnen don jirituru ni balandilan ni nakosene ni kolonsen ni baganw ka dumuniyorow labenni

ma.

Fen miyye jirituru ye, caman for'o nafa kan; nka o n'a taa bëe, an b'a jini an balimaw fe, n'u ma ne jiri tigeli k'o, u k'a nonabila turu k'o ladon, bawo jiriladon ka gelen ni jirituru ye.

Lezi min be balanw na, o ye sanjiwoyo kumbenni ye, walasa ka dugukolo nafama soro cike kama, walima ka bin soro baganw ye, walima k'an magone ji soro.

Nafaba be nakosene la, bawo legimu ni jiridenw ye hadamaden balo dafalan de ye. An dun be yoro min sisan, sanji nata dögoyal ni dugukolo nagasili y'an ka suman seneta soro dögoya kosebe. O la sa, cikelaw ka kan ka sumansi teliw de jini ani foronogo numanw, min b'a to u be se ka waati kuntaalajan ke foro kelen seneni na, n'a ma ke ni san o san forokura bo ye. Nin bëe k'o, yoro kerenkerennenw ka kan ka laben baganw ye, dumuni kama, walasa baganmaralaw ni cikelaw ka woyow be se ka nögoya.

Kunnafonidilaw y'a jini «CILSS» ni «PNLCD» jekuluw fe, minnu ka kewale sinsinbereye dugukolo lankolonyali ni ja n'a kasaaraw kumbenni ye, u k'u ka baara nafama in jenseen Mali tonkun naani bëe la, walasa jamanadenw bëe ka b'u nun ma, here ni lafiya basigili la an faso kono.

Basiniki TURE.



## DNAFLA kuntigi Abudulayi BARI fatura



Mali balikukalanso «DNAFLA» kuntigi, Abudulayi BARI fatura san 1991 Setanburukalo tile 22, ka ben Mali jamana ka yercia sanyelema 31 nan don ma. A fatura k'a si to san 51 na, k'a muso n'a den 7 to, k'a nege l'a balimaw, a teriw n'a baarake nogonw bce la.

Abudulayi BARI tun ye lekolikaramogo munulen ye. A tun ye balikukan karamogo cesirilen ye. A tun ye sekou ni dongo matarafabaga jolen ye. A tun ye nininkela taamuyalen ye, hadamadenyako, kalanko, hadamuliko ani lawalekow kan.

A y'a si bce kebaara la, walasa ka mogow hadonnnya Mali danbe sankorotali walew la, sira bce kan, bawo, a tun dalen b'a la, ko jamana te soro kc, a te here soro, a te lafiya, a te yiriwa, a te taa ne n'a kono mogow m'u yenc don. A fatura n'o hamid y'a kono.

Imou GAF KANE

## Lekolita: Kalan be ke baara de koson

Ninan, san 1991 lekolita bilala Okutoburukalo tile folo don na. O de fôra kalandenw ye, an'u ka karamogow ni lekoliden somogow.

Nka, sanni lekoli ka ta, lajeba do kera, Bamako, san 1991 Setanburukalo tile 16 n'a tile 21 don. O laben kun kera Mali lekoliko bilali de ye bolo kan, min ka kan, ka bce lajelen wasa, i ko jamana fangaso, kalanko minisiriso, kalankowkuntigisow; lekolikow; kalandenw ni lekoliden; lekolikaramogow ni kalandenw somogow.

Nin jamakulu bce lajelen ye nogon soro kene kelen kan, ka baarajekulu duuru sigi sen kan. O kelen-kelen bce y'a haminankow jira Mali kalankota abolo kura kan, min ka kan, ka ke sababu ye, ka baara soro nogoya kalandenw bce ma, u ka kalan bannen ko.



A jirala fana ko lekolidenw cayali ka ben lekolisow hake ma; ko lekoliden cemanw ka ca ni musomanw ye ko baarakalansow ka kan, ka caya; ko kalanden korobaw siyoroko n'u baloko ka nenebo an'u wariko n'a musaka minen tow bce lajelen.

A ninina fangaso fe ani kejereyew fe, bce k'i cesiri ka kalanden korobaw ka baarako laje, teliya la, walasa minnu te baara la, n'o hake be mog 1.500 bo sisan, olu ka baara soro joona.

An be waati min na sisan, kalanko n'a nogonnaw, yiriwali ka gelen ni ben ma k'ukan, kene kelen kan, bce k'i joyoro minen fa, i n'a fo labenko, nafoloko ani baarako, kalan be k'o min koson.